



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

II. Die Decembris.

urn:nbn:de:hbz:466:1-9625

ni 29. Decemb. de Anglicanis fidei heroibus præclare loquitur, & particularim de illis, quos, inquit, nuper Sancta Societas Iesu velut agnos innocios, in sacris septis, sanctis erudiitionibus, acceptissimat Deo hostias saginauit. Videri potest laudatus locus.

P. ALEXANDER
IOANNES BRIANTVS.

Anglus eodem die ib.

Vocatio.

B. V.

Angelici oris, & eloquentiæ, Apostolici spiritus vir, post biennium Londini sacris laboribus impensum, anno 1581. 28. Aprilis in carcerem datus est, ibique fame incredibili, siti, equuleo deinde sæpius ac dirè vexatus. Scripsit in carcere epistolam, in qua dicit se ante biennium de Societate ineundâ cogitasse, nunc verò Sacramento spondidisse id se facturum. Ante tormenta, recitato Beatissimæ Virginis rosario, se deliciis cælestibus mirificè perfundi persensit: id quod ipse testatus est: & adiecit, in tortura vltima se quietum, solarij plenum, doloris expertem fuisse. Admitti ad Societatem petiit, & est admissus, votis quoque mox editis. Hæc ille scribens, adiunxit: Testis dies iste, testis

& hoc Chirographum manus meæ in die iudicij. Cum crucem gestans ad tribunal prodiret, insus est illam abiicere. Sed ille; Nolo, inquebat, nolo vsque ad mortem vexillum meum, Crucifixi miles, deferere. Ibo vt moriar pro illo qui pro me mortuus est prior. Ita post Campianum pari morte damnatus est, & interfectus. Remundus, & alij quidam, aiunt eum de furca deiectum in pedes constitisse.

Crucifixum.

P. RICHARDVS
COMBÆVS.

Magnus Hibernicæ iuuentutis educandæ in Hispania Pater fuit, animo ad labores & ad ardua peruincenda constanti. ac pio. Ne negotiis obrueretur spiritus, vnum diem illi peculiari studio singulis mensibus assignabat. Larrones in via deprehensum arbori alligabant. Sed B. V. & Angelo custode in opem vocatis, vincula illicè soluta illum liberum relinquere. Morienti Christus apparuit vt fertur & amœna Bearorum loca ostendens, illum ad audienda cæli arcana induxit, mox postea vitâ functum.

Hibernus
Hispani. 2.
Dec. 1626.
ætat. 53.
Societ. 34.

B. V.
Angelus.

Christus

Mort.

II. DIE DECEMBRIS.

S. FRANCISCVS
XAVERIVS.

2 Decemb.
Hispanus
in Sancia-
no. 1552.
ætat. 55.
Societ. 18.

Hunc Regio Navarra sanguine natum scribunt nonnulli qui antiquiores nobilissimæ illius Domus origines altius repetunt. Natus est anno 1497. quo eodem anno Petrus de Couillam Ord. SSS. Trinitatis, cum in fidei odium ab Indis sagittarum im-

bre perimeretur, prædixit, vnum de primævis Patribus Ordinis Clericorum Iesu, in remotissimas Orientis Indias penetraturum, vt habet eius Ordinis Chronicon à Ioane Figueroa conscriptum. Licet autem alacri, ad lætiora propenso, & viuido esset ingenio, tamen à puero ita est educatus, vt Virginitatem seruauerit illibatam vsque ad mortem. Parisiis operam literis dantem ne domum reuocaret pater.

Cassit.

PPP 2

pater.

pater, Sanctimonialis, Francisci soror, intercessit, scribens illum Orientis ac gentium fore Apostolum. Admirabili Ignatij consuetudine Parisiis peruietus, generosam mentem transtulit ad diuina, & se illi socium inter primos fundanda Societatis Iesu lapides adiunxit. Postea Vicentiæ ægrum Xauerium S. Hieronymus, ei se spectandum præbens, inuisit, valiturum, & Bononiæ laboraturum aliaque plura prædixit, ac monuit vt ad magnam crucem humeros præpararet. Romæ deinde ab Ignatio vt in Orientis Indias penetraret delectus, à Paulo III. Pont. Max. Legati Apostolici auctoritate ornatus est. Transiit zonam torridam; in Iaponiam, & vsque ad Sinarum aditum appulsus est. Morientem foeminam in partu baptismo lustrauit: & illa confestim factum incolumis enixa est. Inito eorum quos lustrauit numero, quæ quidem licuit, aiunt eius manu baptizatorum numerum decies centenorum millium; adiectis ducentis adhuc millibus, id est vniuersè duodecim myriades, excessisse. Punicali adolescentem mortuum manu prehensum in Christi nomine iussu surgere, à mortuis suscitauit. Deinde puerum ac puellam vitæ restituit. Viginti quinque mortuos ad vitam ab eo reuocatos aiunt iurati testes. Quadraginta velt etiam 50. vniuersè à mortuis resurrexisse Deo per Xauerium eos ad vitam reuocante affirmant litteræ antiquæ ac nouæ: & inter hos dicunt fuisse quinque quos ille per pueros ad cadauera illa missos vitæ reddiderit. Familiare illi fuit rosario suo per pueros misso, vel aliàs per nuncium, demones morbosque fugare. In ora Piscaria illiquefactis cordi cælesti deliciarum æternarum torrentibus perfusus gestiebat; maximè cum cogitaret plus quàm mille infantes à se aquâ salutari per Sacramentum lu-

stratos è vita ad superos abiisse. Sæpius tabem ex vlcerebus manantem ore auido suxit, quæ sui odio, quæ proximi charitate, certè Dei amore. Pro quodam in sylua se inclementer adeo cæcidit, vt ille strepitu excitatus accurrerit, eumque vndique cruentum viderit, illachrymatus, animo ad moerem illi gerendum vnde quaque iam facillimo. Alibi sæpius interdum se cæcidisse deprehensus est; idque vt tantâ, vt elanguescentibus viribus planè deficeret. Lapidibus non semel; calumniis & linguarum dicacium perulantia sæpius, aliquando, & sagittis, appetitus, pro stulto à Bonziis habitus, semel, iterum ac tertio naufragus, eò semper magis ardebat amore diuino & animarum, quo plura tolerabat. Ad S. Thomæ sepulchrum peregrinatus, septem dierum inedia se maceravit; aliàs quoque non rarò per tres, 4. aut 5. dies ieiunus. Nocte intempesta orans in templo coram ara Deiparæ, dæmonum cantu variè obstrepentium turbamentis nil motus, aliàs ibidem ab illis etiam dire verberatus, Diuinæ Matris opem implorans eos vicit: & orandi consuetudinem non intermisit, vbi à plagis illis conualuit. Malacæ noctu somno duas horas, reliquas precibus transcribebat. Orantis in sylua Xauerij vultus aliquando radis illustris conspectus est. Cum sacro fonte permultos ablueret, instar gigantis excelso corpore eminere, cum diuinam Eucharistiam flexis genibus populo distribueret, sublimis in aère circumferri est visus. Fertur se aliquando in flumen misisse vt aestuans à Deo pectoris calorem quoquomodo temperaret. Eius literas, quibus sua pericula & ærumnas & sinu cæli delicias quibus recreabatur describebat, legens Ignatius, lachrymas tenere non poterat. Aliquando sub dio totis oculis in cælum intentus, & æstuans

S. Hieronym.

Baptismus.

Mortui suscit.

Mortui.

Rosarium.

Mortific.

Sancti.

B.V.

Oratio.

Eucharist.

Amor. Dei.

arsuans deductâ hinc atque inde veste à pectore intus conflagrante, auditus est amanter queri, ac dicere: *satis est, Domine, satis est!* Aliàs Romæ in Xenodochio quiescens noctu vidit se in amplexu crucis, ac etiam cruces ex alto affluenter exundare alias ex alijs, post alias varias, ac plurimas; symbola earum, quæ illum adhuc exantlandæ manebant ærumnarum; & cælesti siti accensus erupit in illas voces: *Amplius, Domine, amplius, amplius!* Absentia & futura ex vero vates dixit, idque varijs, miris, manifestis modis. In duobus procul ab inuicè distitis locis, eodem tempore conspectus est à testibus pluribus ac luculentis. Ad animas conuertendas vsus est plurimâ virginæ sui corporis afflictatione, ingenio, miraculis, minis, & impigritate mirabili; aded vt dicatur facilè centum millia leucarum ideò consecisse. Ter naufragus, aliquando tabulæ vni adhaerit per tres dies ac noctes in mari. Euerit plusquam quadraginta millia Idolorum, pueris etiam Idola certatim diruentibus. In Iaponia *magister mirabilium* dicebatur. Visus est vel illustis, vel in aère sublimis, vel à mentis ac sensuum vsu in diuinis absorptus facilè centies; aliàs inter sacrificandum stans, lucidus, & eleuatus, aliàs in horto Goano stans item & sublimis, atque cum Deo loquens conspectus est. Hospitio amanter acceptus est à quodam paupere: & illi fortunæ creuere, Deo hospitalitatem coronante liberalitate maiori.

Petrus Vellius vir locuples, Xauerio non parua auri vi in vsu quempiam repentinum indigenti, clauem arcæ suæ dederat, vt inde tantum auri caperet, quantum vellet. Acceptis ex arca trecentis scutis aureis Xauerius clauem restituit; & Petrus arcâ postea introspectâ questus est Xauerio, se ab illo delusum; nihil enim au-

ri omnino decerptum ex arca: se vero è 30. millibus aureorum illi quindecim millia destinasse, idque animo verè synereo. Placuit Xauerio animus aded generosus; & post modicum silentium, sublati in cælum oculis; Et ego, inquit, Petre Velli, pro pramio huius tuæ tam liberalis & promptæ voluntatis, tibi Dei nomine promitto, tuam arcam tibi semper tantum subministraturam, fauente tibi bono Deo, quanto egebis: & tum requiesces in pace, mortis tuæ, quando ventura sit, non inconscius, vt illa te melius paratum reperiat. Ita exitus prædictionem approbavit. Nam Petro, licet multis variè iactaretur, tamen subdium nunquam defuit, idque luculentum pro domo vniuersa. Et vbi mortis suæ tempus imminere aduertit amicis valedixit, valens tunc adhuc ac integer: die verò ipso quo discessurus erat è vita, se in feretro in templo eomposuit, ac tegi tapete iussit, vt mortui solent. Cantarum inde mortuale Sacrum: & reducto tapete, Petrus in feretro mortuus est repertus.

Parisijs Ignatius illum ad cælestia pertraxit cum alijs, tum verò sæpè inculcato, & in cor altè illi defixo illo Christi axioma: *Quid prodest homini, si mundum vniuersum lucretur, anima verò suâ detrimentum patiarur?* Ea res aded illi cordi fuit semper, vt in Indijs quoque postea, pluribus, & Iohanni etiam Lusitanæ Regi, per literas, persæpè suggereret, vt quotidie aliquid temporis pro illa sententia meditatè regustanda seponerent, ac à Deo perspicacem eius penetrandæ intelligentiam flagranter nullo non die postularent. Olyssippone P. Simonem Rodericium quartanâ pertinaci afflictum, amplexu persanauit. Equitem aliquando nudipes secutus est, vt itineris ducem ne amitteret, pedibus ad spinas, vel alio offendiculo cruentatis.

PPP 3

Cum

Pia collectio.

Conf quot.

Sacrum.

Examen.

Oratio.

Paupertas.

Crucifixus.

Cum in domiciliis nostris esset, omnes accendebat exemplo, instar flammæ spiritantis. Incredibili accurazione ad leges omnes erat perquisitè attentus, ne quam omitteret. Nullo die mittebat conscientiam expiare pœnitentiæ Sacramento, vt ad altare Dei mundior accederet. Cerrè ad primum Sacrificium Vicentiæ celebrandum, se per 40. ipsos dies asperrimo vitæ genere ac summo in silentio præparauit. Conscientiæ arcana bis introspiciebat quotidie examine diligenti. Vt se ad horas Canonicas flagrantius recitandas accenderet, hymnum *Veni creator Spiritus* inflammato animi sensu recitabat: & sæpè interdiu, itemque noctu ardentissimis suspiriis breues preces vibrabat in cælum, nunc IESVM nunc MARIAM appellans, aut selectas quasdam è diuinis litteris scintillas depromens, & vultu instar Seraphini ardente amabilis atque admirabilis. Fœminas non nisi aliis præsentibus audiebat, etiam confitentes. Domi cum inter socios versaretur, ea quibus egebat, mendicato sibi præberi volebat, ceu eleemosynam pauperi erogaram.

De Ignatio non aliter loquebatur quàm de Sancto: addebatque illi semper Sancti Patris nomen. A diuersis Nationibus intellectus est in concione, quam vnico idiomate faciebat. Aiunt aliqui, eum facillè 30. linguis diuersis loqui auditum. Maris aquam terigit, & dulcem reddidit, tempestate quoque sedatâ modo mirabili, ac repente. Aiunt etiam tigrides mortalibus infestas è Sanciano Insula abiuisse, cum eò appulisset Xauerius.

Christi cruci affixi simulachrum, quod secum gestabat semper, in mare aliquando delapsum cancer manusichelis prehensum illi è mari velut manu porrexit, id quod Xauerius fuis ante ad DEVM precibus impetrarat.

Xauerio in India grauius quidpiam tolerante, Crucifixus in natali Xauerij Domo in Hispania sudabat: & anno 1552. (quo Xauerius 2. Decembris feriâ vi. decessit è vita) singulis hebdomadis feriâ sextâ visus est idem Crucifixus sanguineo sudore perfundi, Corpus illius etiam in calce incorruptum ac odore fragrans, erecta eius nomine templa, vetera & noua quot annis prodigia passim increbrescentia dabit fortasse alius annorum serie distincta.

Iacobus Bosius in signis Ecclesiæ Dei; Vniuersi, inquit, hæretici ab Ecclesiæ Christianæ constitutione per tot secula, per annos mille quingentos, & amplius, haud traduxere ad hæreses suas tot gentes, aut idololatrias, aut alioquin à Christi cultu alienas, quot vnus Xauerius ad cultum Christi annis vndecim. Vnus Xauerius plures gentes, plures homines annis vndecim Christo adiunxit, quàm innumera hæreticorum millia ex omni gente & natione è toto orbe terrarum, per annos mille quingentos. Ita ille. At hæc vetera. Nouum istud quod in India nuper accidisse scribit Oliuerius Bonartius, id quod plures testes iurando affirmarunt. Navis Malacâ Goam tendens, inter syrtes & noctem imminentem hærens, ope S. Xauerij voto lampadis argenteæ ad eius tumulum appendendæ implorari emerfit: cum *Sol qui ad occasum vergebat, & aditus ita latebat vt conspici non posset, subitò effulsit, & eodem loco stetit quinque & amplius horas, quanto tempore egebant vt ex angustissimo & longissimo freto enauigare possent.* Ita Bonartius.

Vincentius Carrafa Præp. Generalis Societatis Iesu in ea quam ad Societatem scripsit epistola, ait S. Xauerio fuisse solemne perpetuumque consilium quod suis dabat: *Vince te ipsum* &

Signo. 10.

Lib 6.

In c. 46. Ecclesiastici.

11

&

& eius toties iterati causam rogatum respondisse id ferè quod olim in alio argumento B. Ioannes: *Quia hoc tantum didici ex optimo parente nostro Ignatio.* Cultus S. Xaverij ob stupenda, & noua Neapoli, Potamij, Græcij, Leobij, Pofonij, in Belgio, alibique miracula est magnus. Colit illum enixè Viennæ aula Cæsarea. Multi hebdomadam Xauerianam celebrant: multi nouendiali cultu eum honorant. Etiam templa illius increbescunt. Dum ista scribo, Georgius Lippai Archiepiscopus Strigoniensis Trencinij in Hungaria, Collegio suo, & Domui probationis quam fundauit, templum erexit S. Xaverij nomine perinsigne. Vidi eiusdem ac S. P. Ignatij templum Viennæ in Austria. In Italia eiusdem templa visuntur Neapoli, Genua, Arimini, Brugis in Belgio, Tridenti in Tyroli, in Spital in Carinthia, Chiqualij in Salsettis Indiæ orientalis. Nec dubito his plura esse: quæ, vt dixi, alius fortasse daturus est.

Multa hinc de illo passim leges in variis erga quos cælestem suam beneficentiam exhibuit Xauerius. Non pauca Vrbes illum Patronum habent vt Neapolis, ac aliæ. Non pauca Congregationes sub eius auspicijs erectæ. Sunt & qui assumpto Xaverij nomine se incitent ad Apostolicam virtutem: quos inter fuit is qui post annum 1630. die incertum quo, casus à Tartaris est in Sinarum Regno P. Andreas Xauerius, olim Koffler, Austriacus. Is interrogatus à barbaro quid doceret,

respondit, se legem diuinam docere cuius breuissimum compendium esset signum Crucis: quod exhibere iussus, fronti, ori, pectori impressit: mox ductâ à fronte ad pectus, & inde ad sinistram ac deinde ad dextrum humerum manu (vt fieri mos est) idem exprimens addidit idiomate Sinico hæc verba: *Per signum Crucis de inimicis nostris libera nos, Deus noster.* Ita P. Onuphrius, Borges ex Metropoli Tonquienfis Regni anno 1639. 20. Octob. ad P. Gofuinum Nickel Præpositum Generalem. Hisce auditis Tartarus stricto acinace *P. Xauerium* medium in Crucis formam concidit ducto profundo vulnere à capite ad pectus, & ad dextrum humerum à sinistro. Matrem Imperatoris, eius operâ conuersam, & alia plura de illo particularim scribenda expectamus.

P E T R V S

OCHOA NOVITIVS.

VT ad Societatem penetraret, arduas difficultates peruenit. Moriturus, impetrauit vt tria Societatis vota conciperet. Mox cum demone colluctari visus, eo certamine superato, Christum cum Cruce in humeris, & S. P. Ignatium cum ijs de Societate qui in fidei odium cæsi mortem gloriosam appetuere videre sibi est visus, eosque habuit in extremo agone præclarissimos adiutores. Vide Annuas 1604. pag. 245.

Hispanus
Lima. 2.
Dec. 1604.

Christus.

S. P. Ignat.

Mora.

III. DIE